

VOCES

FAVENTIVM ANIMORVM
HYMENÆO
PORTAM DVCALEM

PERILLVSTRIS MAGNIFICI DOMINI

D. CASIMIRI

DE KOZIELSK

OGINSKI

PALATINIDÆ POLOCENSIS

INGREDIENTI

AD PLAVSVM

GENTILITARVM TVBARVM

PERILLVSTRIS MAGNIFICÆ DOMINÆ

D. ELEONORÆ

WOYNIANKA

MARESCHALCIDIS PINSCENSIS CAPITANEIDIS GOR-
ZDOVIENSIS EXCITATÆ

COLLEGIO RADIVILIANO PINSCENSI ^A *Societatis IESV.*

PER FRANCISCVM BIALOZOR

Succameraridam Wilkomiriensem



Laurigeros quisquis spiras Mavortis Honores
 Huc avidæ mentis lumina tende tua..
 Martia P O R T A patet Martis solius Honori
 Sic ubi stat Mavors, hic habitabit Honor.



96470

AD PERILLVSTRES NEOSPONSOS

PORTAM Triumphalem ingredienti Hymenæo,
dum Gentilitiæ WOYNARVM TVBÆ,
victoriosam canunt pæana, orbem quoq; Litua-
num evocant in applausum PERILLVSTRES
NEOSPONSI. Adest ad genialem Martiorum
sonitum classicorum, ea hilaritate, quâ ad ea vestri Hy-
menæi solemnia, Orbis universi Regum, Principuq;
supremas Majestates par esset comparere: ut scilicet
victrici utriq; Domui Vestre, de se meritissima, ex
tot immortalium facinorum gemmis coronas conte-
xerent triumphales; & in publica Orbis universi le-
titia testarentur, vestrum Epithalamicum plausum,
Orbis totius esse hilaritatem. Ad quam, dum Lau-
reata, belli pacisq; Numina communi motu conflu-
xere, illa quoq; solius POLONI IOVIS assæta
Imperijs RADIVILIANA AQVILA, sub cuius
tutelari umbra pupille Pincenses quiescunt Muse;
pennam in obsequium Epithalamicum Triumphi submi-
sit, & aptavit: ut Nomen immortale vestrum perenni
gloria seculis consignaret. Atq; hæc, inter publicæ hi-
laritatis plausus, Honori Vestro devinctissime Palla-
dis vota depromit: ut plaudente orbe, applaudente
Cælo ad Triumphalem PORTAM, magnis Virtuti-
bus, Fortunis, Honoribusq; patentem, Illustrissimæ
WOYNARVM TVBÆ, semper triumphos, victo-
riasq; canant perennes. Ita vovet, ac precatur.

PERILLVSTRI HONORI VESTRO

Semper addictissimum.

Collegium Pincense Soc: IESV.

PANEGYRICVS



Oronasti spes publicas & bene faventium animorum vota PERILLVSTRIS NEOSPONSE; ubi Castrensem PORTAM Tuam, belli, pacisq; mille decoram insignibus, accinentibus WOYNANARVM TVBIS, triumphanti aperuisti Hymenæo. Quid enim tot belli casibus quassatæ, inter continuos armorum strepitus gementi Patriæ, venit optabilius; quam post tot publico ereptos bono Heroas, novos iterum, renasciturosq; in filijs intueri? ac velut post Æmilios, & Camillos, validiores Marte Fabios, Scipiones, Pompejosq; nova Patriæ propugnacula numerare: atq; post tot lustra, & sæcula, fortes fortibus procreandos felici propagine nepotes præstolari? quorum illa iam manibus animisq; fovetur, iam vitâ, & spiritu animaretur, iam sanguine inter hostes effuso vegetaretur; Limitibus velut corporis sui membris, ultra proferendis. Quid hodie in pretium appenderet florentissima olim ab imperio Græcia; si suos in nepotibus rediuvos spectaret Constantinos Theodosiosq;? Nunquam barbaro pressa iugo duceret ex alio suspiria; si vitâ & moribus filiorum, suis non ab similibus genitoribus, felix hucusq; animaretur. Publicæ spei huius felicem terminum habet facunda Heroum Mater Lituania, PORTAM Castrensem Tuam PERILLVSTRIS NEOSPONSE: ex qua prodeuntes tot Fabios, quot fortes Patriæ propugnatores; tot Æmilios, & Catones, quot sago & toga illustres Senatores, Orbis Polonus Litvanusq; suspexit. Quorum supremis mentibus, unicum illud insitum innatumq; est, vitam, & sanguinem, opes, fortunamq; Patriæ saluti, certatim devovere, eoque in Patriam ardere amoris igne, quem nomen ipsum OGINSKI Polonis ab igne sonat: & Vestrum cuiq; de pectore ebullit ardente flamma: ut meritò quivis nominis Vestri Athleta, in ara Martis holocaustum, Patriæ in cultum cremari videatur; zelo nominis & animi, ignem subministrante. Æquo proinde iure maximum Patriæ decus, PORTA Castrensis, Vestro Agnominis ex Æternæ ipsius Mentis arbitrio designata: quòd Domus

Bellatrix

Bellatrix hæc, Castrorum instar in pulvere & acie, in sole & aprico, continuo pro Patria excubet; ac non nisi prælia, & aciem meditetur: Ex qua quot viri, tot legiones, imò fortissimi exercitus, ferro, vitâ, & sanguine patriam tuantes integritatem. Foris cæteri trophæa quærant, & victorias, Vobis domi nascuntur: quia Martis ipsius Fortitudo vobis semper domestica, cæteris sæpe hospitalis: ut hæreditario quasi iure, Vestræ Domi maneat; alibi verò tanquã hospes peregrinetur: ac post strenuos Iulios, invictos Leones, & magni nominis Honorios, turpes quandoq; Heliogabalos, probra Principum Copronymos reperiat. Domesticæ huius Bellonæ & Martis in PORTA Castrensi Vestra hæreditarij, tot sunt nobis argumenta, quot Marte illustres Avi, Fratres, & Patruelles Tui, verè dixerim tot magna belli numina, quot nomina, quorum memoriam excitâsse, ignem de cinere supertectum suscitâsse est; famâ nominis velut flammâ recentibus factis adhuc ignescente: nec minùs novis posthumisq; quàm præsentibus, ac retroactis sæculis nomen OGINSCIANVM palam evulgante. Tantùm eximij ardoris, & PORTÆ undiq; illustrissimæ primordijs maxima præluxisse debebant luminaria, primæ quasi luminis tanti bases: quæ Orbi illustriorem PORTAM OGINSCIANAM redderent. Quid illustriorem dixi? Illustrissimam satiùs, aut Serenissimâ memorâsse debueram: quia ab ipsis Regum, Principumq; Serenitatibus decoram: à magnis videlicet Monarchis Haliciæ, aut à veteribus illis *Kijovia; Severia, Czernibovia, Praiaslavia, Msciavia* Celsissimis Ducibus: quorû magna per orbem Sclavonicæ gētis nomina uti KORECCIIS, DRVCCIIS, Czetwertiscijs ita eximijs quoq; Ducibus in KOZIELSK avito sanguine finitima fasti veteres evulgant. Illuxit hîc ad perenne PORTÆ Castrensis ornamentum, quidquid in Litvano Orbe inter præcipua familiarum decora splendoris, decorisq; est. Convenère in unam gloriam sociata tot affinitatum fædere Castrensi PORTÆ speciosissima armorum ornamenta SAPIEHARVM, WOLLOVICCIORVM, CHREPTOVICIORVMq; Sagittæ, Orbem famâ emetientes. Convolârunt pennis sublimibus ad apicem Triumphatricis PORTÆ CHODKIEVICIORVM Gryphes, ZAWISZARVM

& SZEMIOTORVM Olores, Victrices ubiq; RADIVILIO-
RVM, POLVBINSCIORVMq; Aquilæ, bella, pacem, tri-
umphos. victoriasq; canentes RVDOMINARVM TVBÆ;
STETKIEVICIORVM, POCIEIORVM, NARVSZEVICIO-
RVM, cæterarumq; magni nominis familiarum illustrissima
decora æviterno splendore PORTAM ornavêre.

Atq; nè plurima Terris Cœlisq; nota OGINSIORVM
nomines Grandia, primaq; gloriosissimæ PORTÆ Columina
sepulchralib; umbris obscuriori involvâ filétio; liceat mihi per
interi; illustrissimæ PORTÆ atriû penitioro oculo grandia
Divorum Prædecessorû numina intueri; ac inter magnarum
mentium simulachra illum magnanimum Herodém, fulmen
hostium, Patriæq; vindicem acerrimum THEODATVM
OGINSKI Trocensem Succamerarium primo dictionis limi-
ne venerari. Qui tum sublimis animi magnitudine, tum in-
genua bellicæ artis peritia, ac magni consilij in armis
promptitudine, ita Regum Potentissimorum STEPHANI, &
SIGISMVNDI III. intimos affectus ex integro occupavit;
ut cor Regum, & manus Principis ex omnium diceretur te-
stimonio. Debebat profecto regios traxisse animos illa in-
victæ mentis celsitudo, & tot heroicorum ausuum Marti pro-
bata, Herculi compar dexteritas: quâ teterrimum Latronem,
Cosaticæ rebellionis Primipilum Nalewaykonem, Viperam
Vkrainésé, viscera Reipublicæ feroci perduellione rodenté, po-
tente dextera compefcuit, & vincitum compeditumq; ad In-
victæ Regiæ Maiestatis plantas terram mordere cœgit. Mul-
tùm placuit Polonæ Maiestati dexterrima hydræ huius depres-
sio Herculis Lituani dextrâ profligatæ. At non hîc quievit
irrequietus martiæ mentis fervor & impetus; verùm instar
invalescentis per aggestam materiam flammæ, ampliùs, in fu-
nera & busta hostium exarsit; illi Polocia Moschico iugo vin-
dicata suam, magna ex parte, libertatem inscripsit; illius la-
certis hanc recens vindicatam provinciam STEPHANVS
BATHOREVS, Atlas scilicet Poloniae, suo Alcidae imposuit,
extra tela periculorum futuram, quamdiu tam sublimi colu-
mine attolleretur. Quid tum fortissimus Bellatorum THEO-
DATVS centoculus planè in vigilâdo ex Governatore Argus in
commissis agebat? imò quid non agebat? vota, & metam desi-
deriorum

deriorum Fortunatissimi Regis excessit, superavit. Quaquã per adversos hostium cuneos cataphractam suam ducebat Legionem, victoriosa in cædibus & funeribus hostium, suæ fortitudinis vestigia relinquebat. Nec unius solùm Palatinatûs Polocensis Cives servavit & confinia, sed in ipsa fere viscera Moschoviæ defixo ferro, magnà undiq; hostium strage toties penetravit; & in penitiora Moschoviæ Fortunatissimi Regis promovit Victoriã. Intremuit, imò toties ingemuit ad Martium tanti Herois motum Moschovia: triumphavit infami servitute soluta Patria Libertas, & orthodoxæ religionis rediviva integritas. Felix tum in ipsa infelicitate Patria, quam pænè naufragam invicti Bellatoris manus ex tot scopulis, quot hostibus eripiebat, & in tuto extra periculi aleam collocabat. Sed nec post fata minus strenuitatis suæ dedit monumentum; cùm Filium, se maiorem; quia in strenuis Magno parem Alexandro ALEXANDRVM, Castellatum Trocensem Patriæ reliquit statorem felicitatis. Cuius nomen, & heroicæ virtutis portentosam fortitudinem, dum ex mortalibus excito cineribus; videor mihi Lituanam, Polonamq; gentem iterum in plausus, & Magnæ virtuti applaudentia encomia evocare. Eduxerat tumidus nimium Osmânus suum Orbem prope universum, innumeras planè phalanges ex Asia, Africa, ac Europa, magnà parte sibi militante, supremum iam exitium Orbi Polono, atq; universæ Christianitati inde illaturus. Cùm positis ad Chotimi mænia castris Supremus utriusq; gentis exercituum Imperator Chodkievicius, insolenti ferociæ, sese Patriæ Propugnatores opposuit. Sprevit exilem copiarum numerum, numerosissimus hostis, unius Mahometani viribus, vix suffecturam exercitus nostri potentiam, superbè iactabat. Atq; ut tumidissimi animi probaret elationem; procedebat fortissimus Mahometanus quasi ad capeffenda bellici eventûs omina; in singulare certamen, strenuissimum quemq; ex farmatis evocando. Obstupuit ad insolentem audaciam Polonus Lituanusq; exercitus. Exarsère fortissimorum quorumvis bellaces animæ: certatim plurimi vel nutum solius Imperatoris deposcentes. Sed magnus Heroum arbiter Chodkievicius, per singulos, assiduò certamen deposcentes, animum, & oculos versans, eum ad

deprimendum hostilis animi factum inquirebat; cuius nusquã dextera & gladius falleretur. Atq; ex tot fortissimis, omni strenuitate eximium seligit ALEXANDRVM. O quis igneæ mentis ardor! quæ vis! quis animus heroum pectus extulit? Fulmen tum, ardorem heroicum verè credideris: qui vix aggressus hostem, vix manu vibravit gladium; illico uno ictu caput demessuit. Stetit attonitus utrinq; spectator exercitus. Heu quem pudorem timoremuè tumidissimus hostis? quæ gaudia, quos plausus nostri ingeminabant herodès? ALEXANDRVM verè Magnum, verè Herculem, verè Achillem millies nominabant salutabantq;: qui nomen Patriæ, decorè Domûs, hosti æternam labem metumq; perennibus incussit monumentis. Nec id ultimum victricis palmæ ostentum in ALEXANDRO Magnum probavit Alexandrum: plura sexcentaq; alia prodigiosam in agendo fortitudinem, in perficiendo prodigiosum robur ubiq; redivivam Magni Alexandri magnanimitatem, fortunam, dexteritatemq; in eo proponebant. Nè cæteris cogar immorari; unicum inter plura revocabo; quod ad solvendam Smolensci obsidionem Prodigious Athletæ sub VLADISLAO IV. æternæ dedit memoriæ. Universæ tum Lituaniæ fædifragus Moschus supremum minabatur exitium; cùm Fortunatissimus Regum VLADISLAVS IV. ocyùs Smolensco, festino passu admovit Castra. Tumidus hostis numero confidens hosti spem victoriæ ante pugnam devorabat. Atq; protinus in arenam tumultuosum militem opposuit. Pugnatur illicò, concurritur utrinq; acerrimè, vir viro, ferrum ferro, ausu pertinacissimo obtunditur. Iamq; non animus, sed manus, & ferrum fundendæ hostium multitudini deficiebat; cùm hostis numero non virtute, nostrorum rumpebat agmina: & sibi, heu! dolendo eventu certam de nostris parabat victoriam. Quid hîc ALEXANDER cum illa Cataphractorum fortissima cohorte, quæ ob militis selecti fortitudinem, ob Martiæ supellectilis exquisitissimum splendorem, vexillum Argenteum vulgò à Litvano exercitu dicebatur? Videbat hæc, & ignescente animo, ardente vultu, sui militis inflammans corda: illam, illam adversæ partis involat stationem, ubi frequentissimus hostis ferreum se murum, seu veriùs adamantinum nostris pertinacissimè exhibebat:

bat: ac per confertas legiones, per densas hostium turmas, in medios tormentorum ignes, in lunatas peditum secures, quasi per formicarum laceffitarum acies, unica perrumpit cohorte: ac fractis confusisq; hinc inde Moschorum ordinibus Victor ac illæsus undiq; ad victorias viam patentem aperuit. Spectavit hæc lætioris iam spei miles noster, & viribus animisq; integrius ab ALEXANDRO resumptis, hostem fregit, fugavitq;. Secuta fortunatissimo eventu Victoria, omnium voces, omnium festivæ acclamationes ad fidera usq; certatim excitabantur, ALEXANDRO ipse Polonus Monarcha, supremus Bellatorum Arbiter VLADISLAVS, memorabili Regiæ Maiestatis Encomio, in laudes ALEXANDRI effusus, vocis Regiæ, sæculis scribendo oraculo: RE, & NOMINE MAGNUM ALEXANDRVM nominavit: amplissimisq; honorum subellijs in præmium perenne fortitudinis cumulavit; O nomen! O gloriâ! O honorem! O fortitudinem omni ævo memorabilem! Cuius ipse Bellatorum supremus Monarcha factus est de Maiestate Encomiastes. Sed quid ego innumera heroum facinora, magnis voluminibus consignanda inter breves schedulas coarctem? In immensum prope abiret oratio, si universos hîc, ac singulos Domûs Vestræ Heroas, amplissima Nomina OGINSIORVM, Marti & saluti solius Patriæ devotissima capita; ab altiori memoria cum tot heroicis facinoribus unumquemq; ad legem arithmetices recenserem. Quantum enimverò extra limites facundiæ, cresceret in magnitudinem oratio, si strenuissimos Regiarum copiarum Ductores DEMETRIOS in arena Hectores, in Consilio Cato-nes, ad memoriam revocarem? Si facundissimos IOANNES, Castellanos Mscislavienses, SAMVELES, Tivunos Trocenses; si THEODATOS Vexilliferos M. D. L. aliosq; invictissimos Bellatores, multiplicium palmarum Victores; vindices, assertoresq; Patriæ Libertatis pedissequo orationis meæ sectarer comitatu? Nunquam tamen quispiam facilem veniam dictioni meæ daret; si maximum illum verè Lituani Orbis Athlantem, Trocensem priùs Palatinum, Magnum postea M. D. L. Cancellarium MARTIANVM OGINSKI eximiû Patriæ defensorem, amplioris meæ dictionis officio ad supremum Vestræ Castrensis PORTÆ ornamentum non re-

C

vocarem.

singulare præmium Clavam Campestræ, eximium Martiæ manûs decus, de invicti Principis manu acceperat. Perenne id Bellatricis Dexteræ ornamentum, quantam spem, quæ omina, laceratæ tot bellis Patriæ promittebat? nisi invida prosperis rebus fata, in ipso bellici successûs limine, vota & spes nostras in uno succidissent, Herodé. Sed lapsæ spei plurimum adhuc erigit verticem tanti Herois fortunata soboles: quæ in quinq; adhuc superstes filijs, fortunata patriæ portendit omina. Spondent maximum Patriæ omen, magnanimi Genitoris redivivi spiritus in unoquoq; non degenerere filiorum promicantes.

Quas spes? quæ desideratæ felicitatis auspicia inclytus Heros porrigit. NICOLAVS OGINSKI Ensisfer M. D. L. in sago Mars, in toga Confus, undiq; magnorum decus & corona Proavorum. Quæ vota Patriæ! quamve alit publicæ spei expectationem, magnanimæ mentis ardua virtus GREGORII OGINSKI Vexilliferi M. D. L. Regiæ cohortis strenuissimi Ductoris: de quo nunquam veriùs; quàm Polonus noster Horatius per orbem cecinit: quod

- - - *Audaces tumultus*

- - - *At tenero meditatur unguæ*

Sarbievig

- - - *Solidisq; somnum*

Commendat armis; aut Clypeum super Effusus.

- Evidenti documento, in gentilitia Castrensi PORTA, verè continuus pro Patria excubitor: quem à Castris ab acie à trita quotannis Martis arena, nullaunquam abstraxit necessitas. Magnanimus LEO Subdapifer M. D. L. quid nisi Leonem in acie & aperto ad bella campo nobis præmonstret? non magni nominis umbra, sed re nominis interpres fortissimus, Leoninum pro Patria robur & animum ad bella exhibet. Quid MARTIANVS? cuius supra ætatem virtus, ardua mentis dexteritate, nil nisi felix fortunatumq;, tot Heroibus viduatæ promittit Patriæ. Ipsum enim MARTIANI augustum nomen, quod *Marti Annos* voveat, quasi is ad bella solùm natus? o quot omina convulsæ bellis Patriæ spondit.

Tu ipse

Tu ipse PERILLVSTRIS NEOSPONSE, magnum, primumq; OGINSCIANI Nominis decus, gemma & spes avitæ gloriæ, quantum patrij decoris, nominisq; per orbem ampliandi, quantum publicæ salutis, integritatisq; tuendæ, quantum equestris Ordinis ad immortalem gloriam augendi, in Te uno argumentum proposuisti; fatis magnis relinquo animis pensandum. Quæcunq; enim per plures Nominis Vestri Herôes amplissima OGINSCIANÆ Domûs disperfit gloria; Tua sublimis indoles in Te unum virtutis artificio collegit. Suum in Te aviti Nominis fama, non vulgaris Sapientiæ ostentat splendorem; quem à maximis scientiarum luminaribus in sublimi Academiæ Vilenfis polo, felici ingenio mutuasti, & in auge publici consilij, toties pro bono Patriæ exhibuisti; quoties aureæ libertatis internuntius in publicis Comitij, in facie Orbis Poloni comparuisti. Suum quoq; Atlantæum robur, & arduæ mentis strenuitatem, Lituanus Mars, Castrensis PORTÆ inquilinus, in Te veneratur: quo avitam fortitudinem Magnanimos THEODATOS, maximosq; re, & nomine ALEXANDROS, in Te ostendis redivivos: quoties invictum mentis ardorem, nunquam in acie fallacem dexteram ipsi Commilitones in Te demirati, laudibus non exiguis celebravêre: verum genuinumq; OGINSCIANI Martis ardorem in Tuo scintillantem pectore suspicientes. Brevius compendiosiusq; loquar: magnarum virtutum comitatus amicissimo fædere in Te convenit: qui Te cæteris spectabiliorem, magisq; amabilem multorum insinuaret animis. Ipse enim vero Tuæ comitatis ingenuus decor, minimo cuiq; sese submittentis, sublimis animi dexterrimæ immixtus compositioni, quantos in se cuiuslibet trahit affectus, tua captivos demissione? quas mentes, quæ pectora in Tui amorem non animat? quorum lingvas non instruit ad Tuæ indolis & humanitatis encomia? Sed maximus omnium in Te encomiastes, perorans pulchro de corpore virtus pulcherrima, ipsoq; vultu eminens decor, qui plurimas sibi comites magnæ mentis incolas, virtutes eximias, speciosi Corporis inquilinas, evidenti in Te probat documento. Quis enim in tam augusto corporis Tui habitaculo angustam virtutum maiestatem metietur? quod Ducalibus imò Regijs quoq; virtutibus par esset comprehendendis.

Vniverſa hæc ex avito, paterno, fraternoq; tot Illuſtrium Heroum, familiarumq; in toto orbe celeberrimarum ſanguine, magno decore fluentia in Te virtutum encomia, non mihi ſolum in ſaſtigia laudis Tuæ enitenti; ſed toti patriæ, publicæ hilaritatis ferunt materiem: dnm ad PORTÆ gentilitiæ Tuæ triumphales plauſus, tot Heroum, Principum, Regumq; ipſorum encomijs celebratæ, auſpicatiſſimi Tui Hymenæi triumphos canunt illæ per orbem celeberrimæ WOYNARVM TVBÆ: quas omnis ſæculi fama, magni præcones Nominis in acie toties triumphales, in Pace conſultatrices, in Senatu tot Primatū, Optimatumq; purpuris decoratas, in Eccleſijs tot Præſulū infulis coronatas, in M. D. L. toties aut in ærario, aureas; aut in Cæcellaria Signatrices aut in Urbibus, Caſtris, & arcibus, Palatinas Capitaneæſuè, WOYNARVM immortale ubiq; nomen, famamq; HRYCZYNARVM per orbem & ſæcula præcinentes, orbis uterq; ſuſpiciebat. Et iam quis locus? quæ remotioris terræ plaga in orbe noſtro? quò immortalis WOYNARVM Honor, nomenq; ſæculis celebratum clangentibus TVBIS non pertigerit? Quod, quæſo, maximum publicæ functionis in Patria genus eſt? quod in ornamenta Illuſtriſſimæ huius Domus perenni decore non defluxerit? Dies me & atra ſæpia ad ſcribendum deficeret, ſi ſingula quæq; & maxima honorum ſaſtigia numerarem: quæ hæc Domus à tot ſæculis in Orbe Lituano nunquam interciliſ tractavit temporibus: Vt vix naſci quiſpiam ex hac Principe Domo videretur; quem ſummi primiq; in patria honores non ſalutatum habuiſſent: Vnum mihi pro millibus vetuſtiſſimæ ſtirpis documentum eſto, Digniſſime Senatorum THEODORE WOYNA Caſtellane Witebſcenſis: qui ſex filios, primæ dignitatis Senatores, ſeptimum temetiſum in Senatu numerâſti. Iucundum, novumq; in orbe Polono, ac Lituano ſpectaculum: cùm venerandus ſenecio, grandibus in patriam ornatiffimus meritis, lætabundo intra pectoris ſecretum animo, vultu plenè ad hilaritatem compoſito, ſex filios, pietate Pompilios, gravitate Catones in primis ſubſellijs de Patriæ bono graviter diſceptantes, circumſpiceret. Hinc ætate & ſapientia grandævum, quia ſupremum natu STEPHANVM SOKOLIVM, Caſtellanum Breſtenſem; inde LAVRENTIVM Theſaurarium M.D.L.

Capi-

Capitaneumq; simul Pinscensem; ibi GABRIELEM Procan-
cellarium M. D. L. de Patria Civem meritissimum; hic SI-
MONEM, Castellatum Mscislaviensem; illic GREGORIVM
post fata Fratris, iterum Castellatum Brestensem; ac inter
eos sublimi eminentem dignitate, Primatem totius Lituaniæ,
BENEDICTVM Antistitem Vilnensem insignem pie-
tate, sublimem prudentiâ, Patrem Patriæ, Asylum Orphano-
rum. O quis venerando seni magni solatij sensus intima oc-
cupabat pectora? Quos plausus, & gaudia amicorum ingere-
bat gratulatio, de tam felici prole, terq; quaterq;, beatum
Genitorem acclamantium? Quanta illustrissimæ Domus glo-
ria! Quis decor! Quod nomen immortale! Sed domestica
hæc quia domi nata immortalis WOYNARVM gloria,
nostris adhuc sæculis cœva. Ampliora sunt, quæ abipsis fa-
milix primordijs iucundiùs elucescunt. Prima enim incly-
tæ Woynianæ Domus principia, non nisi Principibus debentur;
Magnis, inquam, illis belli pacisq; Numinibus HOLHO-
VITIIS Russiæ Ducibus, quorum avita in Regione Pinscensi,
quidquid Pina & Pripetium alluit, hæreditas erat, quæ, licet
ultra Volgensium scytharum, ac inprimis Bateij & Caidani po-
pulatore gladio imminuta, magnitudinem tamen animi, Mi-
tratam gloriæ antiquitatem, in magnis hodie posteris hære-
ditat. Primus gloriosissimæ stirpis huius Progenitor HOL-
HOVICIVS tribus Filijs (quibus ab officio & indole no-
mina HRECZYNA, KIERDEY, WOYNA impo-
suit) suam propagavit æternitatem. Tres TVBÆ in gen-
tilib; WOYNARVM ceris, bella illa, innumeris planè victorijs
coronata sonant, quæ olim laureatus ille Fratrum ternio,
feliciter: æquè ac gloriosè pugnavit, Martio Classicorum clan-
gore circumiacentem viciniam ad socialia evocando arma. In-
de potentissimis in M. D. L. primatibusq; familijs per iura af-
finitatis, in magnitudinem nominis non parum aucta, ijs fa-
miliarum maximis decoribus ad immortalitatem resplenduit,
quas Orbis Lituanus olim, ac hisce temporibus in magnis
Nominibus, RADIVILIIS, SAPIEHIS, DOLSCIIS,
WOLLOVICCIIS, MASSALSCIIS, TYSZKIE-
VICIIS, SZWERINIIS, OSOLINIIS PACI-
IS. SOKOLINSCIIS, plurimisq; cæteris, primis sem-

per honoribus decoravit. Magnarum hæc virtutum compendia, immortalium Heroum ornamenta, lucem ac splendorem universum, unus in Te colligis, & magna tot virtutum decorumq; concentratione, in Te solo exhibes PERILLVSTRIS M. D. MATHIA WOYNA MARESCHALCE PINSCENSIS, Capitaneæ Gorzdoviensis. Vnus ille es, qui communi fatorum tumulo, heroum animas exemisti, cum eos in Te redivivos suâ virtute spectabiles, sua pietate conspicuos in Te uno reddidisti: & vitam, à quibus acciperas, iisdem novo naturæ prodigio redonâsti; grandes Prædecessorum animas tuo pectore animatas, tuo vultu spirantes adhuc post fata superstites, vivis virtutum lineamentis in Te solo circumferens, factus gloriæ, virtutisq; compendium. Strenuam Martis fortitudinem de tuo pectore, teneriori adhuc ætate quis in Te eximiam non suspexit? Cû inventus annos nondum egressus ocyûs prætextam cum fago, pennam cum gladio, Palladis arenam cum Martis acie commutâsti: ut immortales à tot sæculis maiorum tuorum animas bella & aciem spirantes Tua fortitudine revocares & nomen avitum W O Y N A, tot bellis & triumphis partum Tibi congruum ex iure monstrares. Virtutum omnium Reginam Pietatem, uti sua maiestate cæteris virtutibus præminentem, ita universas, secum in catervas trahentem, in Tuo pectoris augustali dominantem ecquis recta mente non probabit? quâ immortales avos Tuos, ardentissimos Divorum amatores, tot ædium D E O sacrarum, totq; cænobiorum munificentissimos erectores, iterum post fata tuâ reducis munificentiam: dum devotas Divis Cælitibus ædes, vetustissimo squalore obsitas, Tuâ, aut munificentissimâ manu de vetustate abstergis, aut collabentes iterum erigis opifrice pietate. Eximiæ mentis huius amplitudinem etsi nostra taceret facundia, ipsa præ cæteris locupletius loqueretur Pincensis Collegij Basilica: quam tu eo splendore, & magnificentia induisti, ut nova iterum, & speciosior erigi à Te videretur. Post regnatricem Tuo in pectore pietatem, ô quot pedissequæ sequuntur in famulitium virtutes! quæ te cælo proximum, Divis Cælitibus amabilem, omnibus carum, summis infimisq; reddunt æstimabilem. Miraculum nostratis

ævi esse diceris, quòd maximus æqui, rectiq; amor ita pe-
ctus intimum occupavit: ut nihil supra Tuum concupiscas.
Meritò Te non unius Capitaneatûs Pincensis, sed omnium
Regnorum Reginae Æquitatis, Mareschalcum ex æquo dixe-
rim; quem tot stipatum decoribus virtutis tramite præeun-
tem, Regnatrix & Custos legum comitatur Iustitia. Di-
gnus omnium ex æquo decernentium sensu & conscien-
tiâ: ut pari Avorum Tuorum passu, honorum sublimium de-
curras tramitem, altissima Senatorum ascendas subsellia: Vt
hæc æquitatis amplitudo in Tuo regnatrice pectore, univer-
sæ Reipublicæ cumulatus fluat in emolumentum. Non
mea hæc solùm, sed universæ Patriæ faventium Civium vo-
ta sunt, qui, ut felix, fortunatissimufq; annos, & sæcula vivas;
de suis annis minui, & Tibi addi exoptant. Tuæ id amplif-
simæ felicitati concessum est PERILLVSTRIS NEO-
SPONSE, quòd tanti Genitoris undiq; meritissimi Filiam,
tot Avorum Illustrissimorum Neptem, tot virtutum facto-
rumq; omni sæculo memorabilium Hæredem, fortunatissimi
Hymenæi iungis perenni fædere. Magna hæc ad patrij
splendoris, & Illustrissimæ Domûs decorem, ad publicæ hi-
laritatis augendam materiam, ad toties Lituani Nominis am-
pliandam felicitatem argumenta: quæ dum bene faventium
animorum alius subintrant præcordia, ô quot vota! quæ gau-
dia? quas voces & plausus maximæ iucunditatis indices
in patria excitârunt? bene quisq; sibi, bene Univer-
sæ Patriæ ex auspiciatissimi huius connubij felicitate omi-
nantur: optimam spem, magna auguria ex his utriusq; Do-
mûs meritissimæ geminatis splendoribus divinantes: qui ex
concentratis tot luminum, quot immortalium virtutum de-
corumq; radijs, amplius Lituani Nominis illustrabant maie-
statem, perennis famæ augebunt nomen Patriæ Heròes,
Civibus vitam incolumitatemq;, omnibus immortalem famã
geminabunt. His multisq; bene ominosis nominibus læta
assurgit Patria: & utriq; de se meritissimæ Domui ex æquo
gratissima, vota effundit & acclamations intimè voventium
ubiq; animorum: aureos soles, aurea sæcula, ætatem & annos
aureos, famam, nomenq; immortale vobis PERILLV-

E

STRIBVS



98470

STRIBVS NEOSPONSIS precatur: ut orbem famâ, Patriâ
felicitate, fastos immortalis nomine, virtutûq; æviternis deco-
ribus impleatis. Subscribent votis tum universæ Patriæ, tum
ducalis Palladi, Vestræ prosperitati militaturi Cœli Perillu-
stres NEOSPONSI: qui etiamnum ad Genialem Gentilitia-
rum Tubarum sonitum fæderatis cum bene precante terra,
certant affectibus. Vobis magna magnarum familiarum decora.

militat æther

Et coniurati veniunt ad CLASSICA Cœli:

Tbaumaturgus nempe, connubialis Vestri nexûs arbiter
Hymenæus, movere terram, flectere cælum in plausus potest;
cuius vocali plausui vox virtutis pondus & gravitatem addit.
Conspirant in Vestram Fortunatissimi NEOSPONSI felici-
tatem, terra polusq; ut scilicet Nominis Vestri gloriam per
feros Nepotes ad immortalitatem extendant. Vivite felices,
Geniales Hymenæi Vestri tædæ Vos ad immortalitatem illu-
strent. Coniugalis thalamus Magnarum in patria sit Parens
auspexq; dignitatum; ita exultans Polonia, Plaudens Lituania,
applaudens Ducalis Pincensis Pallas precatur.

*Continuent superi pleno Litwana favore
Gaudia, successusq; novis successibus addant.*



L-17
R-54